



МЕСЯЦА АПРЕЛЯ В 28-Й ДЕНЬ

**Святых апостол Иасона и Сосипатра
и святых мученик Дáды, Максима и Кинтилиана**

На Господи, возвах: стихирь апостолов, глас 8.

Подобен: Мученицы Твой, Господи:

Иасон блаженный, струя спасительная, / якоже
текущи земли исполнения, / сердца, жжением
держима злым, напои и верою ороси, / темже
по кончине ублажается. / Того молитвами,
Господи, / всем подаждь велию милость.

Иасон Богодуховенный / лествица бысть, до
Небес досягающая, / верная возводящая учением к
Небесней жизни, / живет же по кончине / и пред-
стоит, радуясь, Троице славный. / Того молитвами,
Господи, / всем подаждь велию милость.

Иасон пребогатый / исцеления всегда источает
приходящим к раце его, / и уставляет недуги
душам, / и отгоняет прелестныя духи, / и утишает
бурю. / Того молитвами, Господи, / всем подаждь
велию милость.

Ины стихирь святых мученик, глас 1.

Подобен: Всехвальный мученицы:

Троицу несозданную, / трие на судищи святии, /
исповедавшие, мученицы, / уморени бысте / и жизни
нестареемей ныне сподобистесь, / потока пищу
наследовасте. / Темже молитесь / даровати душам
нашим / мир и велию милость.

Непобедимии мученицы, / токами изливающимися
крове / прелести иссушите течения, / тучи изли-

ваєте исцелений всем, / véрою притекающим, / и сiлу недугов отъемлете. / Тёмже молитесь / даровати душам нашим / мир и велию мiлость.

Вси почтiм, вёрнии, пёсньми днесь / Дáда Божественнаго, / и Максiма и Кинтилиана, / твёрдыя ору́жники, / премудрыя мученики, / сущия рай жители, / ныне молящияся / даровати душам нашим / мир и велию мiлость.

Слава, и ныне, праздника, или Богородичен:

Всепётая Владычице, / надежде вёрных и утверждение, / прибёжище и по́мощь, / Тя молим: / от всякия беды рабы Твоя сохрани, / véрою поклоняющияся Рождеству Твоему, / Егóже моли / даровати душам нашим / мир и велию мiлость.

Крестобогородичен:

Своего́ А́гнца / А́гница и Непорóчная Владычица / на Кресте́ я́ко ви́де, зра́ка не иму́ща, ниже́ доброты: / увы́ Мне,—рыда́ющи, глаголаше,— / где доброта Твоя́ за́йде, Сладча́йший? / где благоле́пие? / где благодать блиста́ющая / о́браза Твоего́, / Сы́не Мой любезнейший?

Тропа́рь, глас 3:

Апостоли святiи, / моли́те Мiлостиваго Бо́га, / да прегрешений оставлени́е / пода́ст душам нашим.

Канон, творение Иосифово. Глас 8.

Песнь 1

Ирмос: Посеченый несекóмаго пресече́, / и ви́де со́лнце зёмлю, ю́же не ви́де; / лю́таго врага́ вода́ потопи́, / и непроходíмое прóйде Изра́иль. / Песнь же воспева́шеся: / Гóсподеви по́йм, сла́вно бо просла́вися.

Со Ангельскими живы́й ли́ки, и невечёрняго Свёта всегда́ исполняе́мь, / и прича́тием iстинным обожáемь, пребога́те, / любóвию прáзднующая твою́ святую́ па́мять просвети́, Гóсподеви пою́щия: / сла́вно бо просла́вися.

Божественное ты отню́д распали́, Иáсоне, желáние тёплое, / тёмже последовал еси́ огонь на зёмлю

воврещі Пришѣдшему, славне, / от Негоже просвещаемъ, свѣтло взывал еси: / Господеви поим, славно бо прославися.

Умом невещественным нравом подобяся, / на земли нас ради вещью, блаженне, тела Явльшемуся милостивно, преблаженне, служил еси; / служитель же Сего священен, зовый, был еси: / Господеви поим, славно бо прославися.

Богородичен: От Девы безмужны виден бысть, воплощаемъ за милосердие многое, Недоуменный, / страстьми тела окаянно поникших, / возводя к безстрастию яве страстию плоти Своея, / Емуже обычно поим: / славно бо прославися.

Ин канон мучеников. Иосифово. Глас 1.

Песнь 1

Ирмос: Песнь побѣдную поим вси Богу, / сотворшему дивная чудеса мѣшцею высокою и спасшему Израиля, / яко прославися.

Богу Вседержителю со дерзновением, добробѣднии мученицы, предстояще всегда, / молити согрешений очищение послати нам.

Венчастесь, мученицы, добротю Божественною, подвиг скончавше / и многокозненнаго врага победивше. / Темже вас обрадованно песненно славословим присно.

Крепостию Духа Пресвятаго, крепость погубите льстиваго змия, Богоблаженнии, / и безсмертных даров ныне наслаждаетесь.

Богородичен: Полный истощися за милосердие и плоть бысть, / возводя, Чистая, к первой нас доброте, / иже верою на земли восхваляющия Тя.

Песнь 3

Ирмос: Ты еси утверждение / притекающих к Тебе, Господи, / Ты еси свет омраченных, / и поет Тя дух мой.

Цевница явился еси Духа, / возглашая нам учения Богокрасная, / отревая прелюкавая пеня.

Источи язык твой, якоже река, жизни источники / и горькия воды прелестныя, изсуши, славне.

Исцеления точат священныя твоя, мудре, мощи

различная, / Духа Святаго действием и благодаритию.

Богородичен: Умертви, Пречистая, живоподательною мольбою Твоею / во мне живущий грех, / Яже Живот рождающая.

Ин

Ирмос: Да утвердится сердце мое в воли Твоей, Христе Боже, / Иже над водами небо утверждёй второю / и основавый на водах землю, Всесильне.

Ведением нуждным, святии, за Христа узницы бывше, / союзу прелести злую разрешите благодаритию, / разрешите же ся от плоти, к жизни преставитесь.

Видети Божию красоту, страдальцы, желающе, прехвальнии, / раны, и вязания, и нуждную смерть претерпесте, / твердостию ума красящиеся.

Законно, мученицы прехвальнии, Страждуща нрава крепостию, одеяетесь, / вкупе победным венцем, / и Троице Честней радостно ныне предстоите.

Богородичен: Иже естеством неописанный, / воплощся из Тебе, описуется, Богорадованная Чистая, / Егже непрестанно моли ущедрити и спасти поющия Тя.

Седален, глас 8.

Подобен: Премудрости:

Светосиянными зарями словес честных, просветил еси всех богоподобно, Иасоне апостоле, / и тьму отгнал еси, / и, пострадав, блаженне, источаеши исцеления, / и телес уставляеши лютыя болезни. / Тем, сошедшеся, святое твое вси творим торжество, Спаса славяще, / и верно вопиём ти: / моли Христа Бога грехов оставление подати / чтущим любовь святую память твою.

Слава, глас 1.

Подобен: Гроб Твой:

Твердостию души приближившеся болезням, / непобедими многими козными льстиваго, явистесь, мученицы, Ангелом равночестни. / Темже вся вселенная почитает борения и честная ваша страдания, / иже прославистесь.

И ныне, праздника, или Богородичен:

**Упование христиан, Пресвятая Дево, / Егоже
родила еси, Бога, паче ума же и слова, / непрестанно
моли с Вышними силами / подати оставление
грехов наших всех и исправление жития верою и
любовию присно Тя славящим.**

Крестобогородичен:

**Нескверная Агница, Агнца и Пастыря, повешена
на Древе, мертва зрящи, / плачущи, вещаше,
матерски восклицаящи: / како претерплю Твое,
еже паче слова, Сыне Мой, снитие / и вольныя
страсти, Боже Преблагий?**

Песнь 4

**Ирмос: Услышах, Господи, / смотрения Твоего
тайнство, / разумех дела Твоя / и прославих Твое
Божество.**

**Ученик был еси Павлу, премудрому священно-
проповеднику, / подобник же Христу, славне, / Того
повинуясь Божественным мановением.**

**Чертюга одеждею украшен был еси Божествен-
ная Церкви, / сей Духом, Богоносе, обручився
сладким словом мудрости твоея.**

**Врач преискусен злоотгонительными Божест-
венными дланями твоими недугующих был еси, /
исцеляя страсти прелютыя.**

**Богородичен: Неискусобрачная Владычице, /
спаси мя, Спаса Слова рождающая, / и бед свободи, и
вечнующаго осуждения.**

Ин

**Ирмос: Услышах, Господи, слух Твой, и убоялся, /
разумех дела Твоя, пророк глаголаше, / и просла-
вих силу Твою.**

**Закон Божественный утверждаяще, / беззакон-
ные страдальцы безбожных отринуша, / благоче-
стно пострадавшие и Господеви благоугодивше.**

**Ублажим днесь Дада и Максима доблия, законно
пострадавшая, / и хвалами венчаем Кинтилиана
всечестнаго.**

**Непреложни, святии, во время страдания быв-
ше, / всяку лесь низложисте / и победный венец от
Бога Спаса приисте.**

Богородичен: Унѣнием одержимаго, Богородительнице, / воздвѣгни мя творѣти Божественное хотѣние, / яко да ублажѣю Тя, Предстательнице всех неусѣпная.

Песнь 5

Ирмос: От нощи неведения / по душеловительному пути присно блудящаго, / светом разума Твоего, Господи, преднаставляя мя, / на стезю заповедей Твоих направи.

Содержимыя лѣстию и пагубе безумно работающия человеки, преблаженне, / Божественными учѣнии свободил еси.

Якоже некое светило, на высотѣ Богоразумия, Иасоне предлежа, / привлѣкл еси ко пристанищу Божественному люте потопляемыя.

Умерщвленныя дрѣвле сущия змѣйным угрызѣнием, / животочным твоим словом, блаженне, удивив, оживил еси.

Богородичен: Святѣйши явилася еси Херувим, / на землѣ воплощши всех Владыку, / Чистая Всенепорочная Владычице.

Ин

Ирмос: Светлый нам возсияй Свет присносущный, / утренюющим о судьбах заповедей Твоих, / Владыко Человеколюбче, Христѣ Божѣ наш.

Божественное Имя и спасительное исповедавшее пред мучители, святѣи, / многих мук искусы претерпѣсте, и смерть неправедную.

Благодатию укрепляеми Божественнаго Духа, / не убойтесь мучений телесных, / ни истуканным чести принесосте, добропобѣднии мученицы.

Венец неувядаемый приемше, святѣи мученицы, / Троице ныне предстоите триѣ, / незаходимому сиянию сподоблени, и ныне ублажаетесь.

Богородичен: Исцели, Владычице Всенепорочная, / сердца моего, молю Тя, страсти неисцельныя / и ума моего тьму тяжкую отженѣ, Пречистая.

Песнь 6

Ирмос: Якоже пророка / избавил еси из глубины преисподня, Христѣ Божѣ, / и мене от грехов моих

избáви, я́ко Чело́веколю́бец, / и упрáви живóт мой, молю́ся.

Преудíвълся добрóте за милосéрдие нам Приблiжшагося, Иáсоне апóстоле, / семú послéдовал есi / и оста́вил есi житéйскую красотú.

Научiвъся Божéственным, / научiл есi благодáтию, слáвне, Трóйческому сия́нию / дрéвле слепотú обнося́щия неразу́мия безúмие.

Недúги отгоня́ различныя и прогоня́ злóбныя дúхи, / лю́ди к познáнию Госпóдню обрати́л есi, / избáвль от прéлести лука́ваго.

Богорóдичен: Я́ко дождь на руно́, спасiтельное Сло́во в ложесна́ Твоя́ сна́де, / и Чело́век из Тебе́ бысть, / спаса́я мя, Отрокови́це, ходáтайством Твои́м.

Ин

Ирмо́с: Я́ко Ио́ну проро́ка, / возведi, Христé Бо́же, живóт мой от тли, / вопию́ Ти, Чело́веколю́бче, / я́ко жизнь у Тебе́ есть, / и нетлéние, и сiла.

Новоявлéнно, я́коже звéзды, зрiми, / просвещáете земнýй мир, всехвáльнии мúченицы, / помрачéние отгоня́ще безбóжия благодáтию.

Законоположéния безбóжных до концá отрiнувшие, / и закóном Госпóдним я́ве утвержда́еми, / закóнно, святи́и мúченицы, за Христá пострада́ете.

Высочáйшими рáзумы и дéлы показани дóбре, / с высоты́ спáдшаго под нóги покорiсте, / укра́шенные в добрóтах мучéния, прехвáльнии.

Богорóдичен: Закóн естéственных кроме́, / Творца́ естество́ воплотiла есi, Отрокови́це, пáче умá, Всенепорóчная, / Егóже добропобéднии мúченицы исповéдающе, пострада́ша.

Кондáк апóстолов, глас 4.

Подóбен: Я́вился есi:

Явiстеся, я́ко звéзды пресвётлыя, / просвещáюще всю вселéнную свéтом проповéдания, / апóстолы Божéственнии / Иáсоне и Сосипáтре, / спаса́йте véрою чтúщих вас.

Песнь 7

Ирмо́с: О́троцы благочестiвии в Вавилóне / óбразу златóму не поклонiшася, / но посреде́ пéщи

огненные, орошаемы, / песнь воспеваху, глаголюще: / превозносимый отец и нас Боже, благословен еси.

Болезнем приближаясь непрестанным, / болезни, Иасоне, облегчил еси верным / и к неболезненному приятию наставил еси благочестно воспевающих: / благословен Бог отец наших.

Тление уставил еси злобы, блаженне, / и разум насадил еси спасительный в мысли человеческия, / имже просвещаемь, Владыце всех зывал еси: / благословен Бог отец наших.

Богородичен: Носящи Христа на руку, яко престол огнезрачен, Всенепорочная, / моли Его, яко Сына Твоего и Господа, умирить мир, зовущи: / благословен Бог отец наших.

Ин

Ирмос: Сущим в пещи отроком Твоим, Спасе, / не прикоснуса, ниже стужи огонь. / Тогда трие, яко едиными усты, пояху / и благословляху, глаголюще: / благословен Бог отец наших.

Огнем Божественнаго страха душу распалаяюще, / всяку попалисте, мудрии, вещь горькую многобожия / и к сиянию взястесь невечернему, / согрешением нашим разрешение подающе.

Струями кровей угасивше запаление, блаженнии, многобожия войстинну, / тучу нам источаете чудес, / верою притекающим к раце мощей ваших всегда.

Дом явльшеся Духа, мудрии добропобеднии мученицы, / храм, в немже ныне лежите, источник содевает чудес: / воньже прибегающе, от всякия скверны страстей избавляемся.

Богородичен: Воплощенно родила еси нам, Пренепорочная, Слово, / Единосущно Отцу и Духу, Богородительнице, / Егоже моли спасти поющих Тя от всех страстей и обстояния.

Песнь 8

Ирмос: Богоглаголивии отроцы в пещи, / со огнем пламень попирающе, пояху: / благословите, дела Господня, Господа.

Искоренил еси терние злохуления семенем Сло-

ва, Иасоне: / сторичествующий клас, спасшихся множество, возделал еси.

Просвещение сущих во тьме тя светильника Тарсу поставляет, блаженне, / иже сего престол строяща священно и преподобно, Иасоне апостоле.

Законен был еси учитель / суетней повинувшимся лести Единого Бога чести несозданного, / иже тварем чести приносящая спасл еси.

Богородичен: Воплощенна рождши Бога Слова, / плоти нашей страсти и душевныя, Отроковице, исцели, / да верою Тя вси и любовьию славим.

Ин

Ирмос: Егже ужасаются Ангели / и вся воинства, яко Творца и Господа, / пойте, священницы, прославите, отроцы, / благословите, людие, / и превозносите во вся веки.

Любяще Господа от всея души, яко агнцы, заклани бысте, / пастырю словесному и Божественней трапезе принесостесь / и в кровех первенец живете.

Верою почтим Кинтилиана, и Даду, и Максима, мученики Христовы, / Божественныя звезды, просвещающия всех сердца чудесными лучами.

Глаголы преобидеша безбожных и злочестивых / и, радуящися, пострадавше, мученицы Христовы, / и сущим от века причтшася Божественным страстотерпцем, / с нимиже присно почитаются.

Богородичен: Яко престол огнезрачен носила еси Христа, / нам примешшася дебельством плоти. / Того моли, Богородице Чистая, ущедрити и спасти любовьию чтущия Тя.

Песнь 9

Ирмос: Уставы прешла еси естества, / Содетеля зачениши и Господа, / и дверь спасения миру была еси: / тем Тя, Богородице, / непрестанно величаем.

Священныя составим вси лики, священно блажаще Иасона, великаго Христова апостола, / с лики безплотными всегда веселящася.

Играет тварь, ликующи ныне в честном торже-

ствѣ твоѣм, слáвне, / апóстоли, прорóцы и вси мýченицы рáдуются, Иáсоне: / с нѣмиже ты вѣрою величáем.

Рáка, идѣже лежѣтъ терпелѣвое и многострадáльное тѣло твоѣ, / слáвне Иáсоне, зарѣ испущáет всегда / и тьму болѣзней разорáет, преблажѣнне.

Богорóдичен: Явлѣшися Мáти Всенепорóчная Емману́ила, / воплощеннаго из ложесн Твоѣх, обожѣвшаго естество челоуѣческое, / тѣмже Тя, Пресвятáя Богородѣтельница, ублажáем.

Ин

Ирмос: Светонóсный óблакъ, вóньже всех Влады́ка, / я́ко дождь с небесѣ на рунó, снѣде / и воплотѣся нас рáди, / быв Челоуѣкъ, Безначáльный, / величáем вси я́ко Мáтерь Бóга нáшего Чѣстую.

Послѣдующе стра́сти Безстра́тнаго, страсто-тѣрпцы, / искуше́ние подъясте вкúпе многоплетѣнных мук / и смѣртию жизнь наслѣдовасте, пребывáюще в век вѣка; / сегó рáди блажѣми есте прѣсно.

Красно́ стезю́ мучѣния увѣдевше / и шѣствовавшие дóбре в путѣ, ведúщия к покóбищем úмным, слáвнии мýченицы, / прѣясте кончѣину мечѣм и со Ангелы ликúете прѣсно.

Стáнем во хра́ме Господни и ублажѣм Дáду, Максѣма и Кинтилиáна, / дóбля ору́жники и погубѣвшия врагѣ, и вѣрою вопѣем: / Челоуѣколю́бче, тех молѣтвами избáви всех многоплетѣнная напáсти.

Священна́я вáша пáмять, преслáвнии победонóсцы, я́коже со́лнце, свѣтло озарáет тварь, / ю́же творя́щая, омрачѣния страстѣй ны избáвите, мо́лимся, / священными ходáтайствы, страсотѣрпцы Спáса и Бóга.

Богорóдичен: Грехолóбив сый, покая́нием припадаю щедрóтам Твоѣм, Бóже, / и вѣрно взывáю: / мо́льбáми чѣсто рóждшия Тя на землѣ, ущѣдри мя / и мук избáви вѣчных, Преблагѣй Христѣ.

Апостол Иасон происходил из Тарса (Малая Азия). Он был первым христианином в городе. Апостол Сосипатр был родом из Ахании. Оба они стали учениками апостола Пав-

ла, который даже назвал их своими «сродниками» (Рим. 16, 21). Святой Иасон был поставлен епископом в родном городе Тарсе, а святой Сосипатр — в Иконии. С Евангельской

проповедью они отправились на запад и в 63 году достигли острова Керкиры в Ионическом море, близ Греции. Там они построили церковь во имя первомученика Стефана и многих крестили. Правитель острова узнал об этом и заключил их в темницу, где сидели семь разбойников: **Саторний, Иакисхол, Фавстиан, Ианнуарий, Марсалий, Евфрасий и Маммий**. Апостолы обратили их ко Христу. За исповедание Христа семь узников мученически скончались в котле с растопленной смолой, серой и воском. Тюремный сторож, видя их мученический подвиг, объявил себя христианином. За это ему отрубили левую руку, потом обе ноги и затем голову. Апостолов Иасона и Сосипатра правитель приказал бить кнутом и снова заключить в тюрьму. Когда дочь правителя, девица **Керкира**, узнала, как мученики страдают за Христа, она объявила себя христианкой и раздала все свои украшения нищим. Взбешенный правитель пытался уговорить дочь отречься от Христа, но святая Керкира твердо стояла и против уговоров, и против угроз. Тогда озлобленный отец придумал ужасное наказание дочери: он приказал поместить ее в отдельной темнице и впустить к ней разбойника и блудника Мурина, чтобы тот обесчестил невесту Христову. Но когда разбойник подошел к двери тюрьмы, на него напал мед-

Святые мученики Дада, Максим и Квинтилиан пострадали при императоре Диоклитиане (284—305), когда вышло повеление приносить на торжественных празднествах жертвы языческим богам, а христиан предавать смерти.

Наместники императора Тарквиний и Гавиний в городе Доростоле устроили пышное торжество, на котором присутствовали жители не только города, но и окрестных сел.

Когда празднество закончилось, кто-то донес императору, что три брата — Дада, Максим и Квинтилиан не подчинились приказу императора и ушли к себе в деревню Озовию. За ними были посланы воины, которые застали святых братьев за молитвой и отвели их на суд.

Правители допросили братьев, которые исповедали себя христианами.

Святая Керкира услышала шум и Именем Христовым отогнала зверя, а затем молитвой исцелила раны Мурина.

После этого святая Керкира просветила его Христовой верой, **святой Мурин** объявил себя христианином и тут же был казнен. Правитель приказал поджечь тюрьму, но святая девица осталась жива. Тогда, по приказу злобствующего отца, она была повешена на дерево, удушена едким дымом и расстреляна стрелами. После ее кончины правитель решил казнить всех христиан на острове Керкире.

Мученики **Зинон, Евсевий, Невон и Виталий**, просвещенные апостолами Иасоном и Сосипатром, были сожжены. Жители Керкиры, спасаясь от гонения, переправились на соседний остров. Правитель с отрядом воинов поплыл, но был поглощен волнами. Сменивший его правитель приказал бросить апостолов Иасона и Сосипатра в котел с кипящей смолой, но когда увидел их невредимыми, со слезами воскликнул: «Боже Иасонов и Сосипатров, помилуй меня!»

Освобожденные апостолы крестили правителя и дали ему имя **Севестиан**. С его помощью апостолы Иасон и Сосипатр построили на острове несколько церквей и, дожив там до глубокой старости, своей проповедью приумножили стадо Христово.

Тогда Тарквиний предложил святому Максиму стать жрецом бога Зевса. Но тот назвал Зевса скверным прелюбодеем и снова исповедал Истинного Бога.

Тарквиний пытался уговорить святых Даду и Квинтилиана. Они сказали, что их брат Максим хорошо знает Священное Писание и они во всем следуют ему. Мучеников отправили в темницу, но и там они помышляли только о спасении своих душ. В полночь, когда святые уснули, им явился диавол, ополчившийся на них с оружием. Но когда мученики проснулись, они увидели Ангела, который сказал: «Не бойтесь, Бог, ваша надежда, примет вас к Себе. Он недалеко от вас и поможет вам». Наутро Тарквиний сказал братьям, что боги объявили ему во сне свою волю: предать их смерти, если они не

принесут жертвы. Мученики ответили, что им Господь приказал претерпеть мучения за Его Святое Имя. Несколько дней пытки и допросы продолжались непрерывно с утра до

вечера. Наконец мученикам вынесли смертный приговор, отвели под стражей в их деревню и там усекли мечом (†286). Они без страха приняли смерть во имя вечной жизни.



В
ТОЙЖЕ
ДЕНЬ

Святителя Кирилла, епископа Туровского

Тропарь, глас 4:

Благочестия ревнителю и рачителю, / иноков и столпников похвало, / святителю Туровския паствы, преславне, / златословесный учителю, / светлым учением Богоразумия своего просветивый концы русския, / в молитве к Богу благодатный грешников споспешниче, / Кирилле Богомудре, моли Христа Бога / утвердиться нам, соотечественником твоим, / во Православии, благочестии и единомыслии.

Величание:

Величаем тя, / Туровский подвижниче и святителю Кирилле, / златословесный Российский учителю, / и чтим святую память твою, / ты бо еси усердный пред Богом предстатель за род наш / и теплый молитвенник о спасении душ наших.

Молитва

О предивный подвижниче, преславный святителю, златословесный Российския земли учителю, великий угодниче Божий, Кирилле! Измлада Вышних благ взыскуя, знатность рода и земная богатства, яко уметы, вменил еси, блаженне, возлюбил же еси всем сердцем нищету, бдение, пощение, смирение, скорбь и тесноту иночества, еще же и вящший Христа ради подвиг подъял еси, восшед на столп, досточудне! Мудрствуя Горняя, испытуюя, что есть воля Божия, благая, угодная и совершенная, непрестанно душу и сердце питал еси Божественными ученьми. Умолен быв архипастырем быти, воистинну добре упасл еси Туровскую паству твою, питаая ее здоровыми ученьми

Правосла́вныя вѣры и приводя́ к Ца́рствию Небѣсному. Тѣмже явилъся еси́ иноковъ вождь, подвижниковъ слава, Правосла́вия столп, Цѣркви российскія свѣти́ло, па́стырем и архипа́стырем о́браз, всемъ вѣрнымъ до́брый руководи́тель к ѳистинѣ и правде. Вѣлиимъ показалъся еси́ в Ца́рствии Божиемъ, вся бо заповѣданная Богомъ самъ нелѣностно сотворивъ, и прѣдковъ нашихъ научилъ еси́ творити. Сего́ ради, къ тебѣ, Богомудре Кири́лле, воспева́я просла́вльшагося въ тебѣ́ Бога, прибега́емъ и, чту́ще твою́ па́мь, мо́лимся: бу́ди ходата́й за насъ, недосто́йныхъ, прѣдъ Го́сподомъ Богомъ. Твоими́ моли́твами и заступле́ниемъ да утверди́тся въ насъ ѳистинный́ духъ живо́й вѣры и свята́го благочѣстия, да сохрани́мся все мы благода́тию Божиею отъ невѣрія, неправовѣрія и суевѣрія, отъ нра́вственнаго шата́ния и духо́вной нѣмо́щи.

Вели́кий уго́дникъ подвижникъ Хри́стовъ! Моли́ Милостиваго́ Бога, да издрѣвле́ изобильно́ обита́вшия въ Росси́и стремле́ние къ вы́сшему нра́вственному соверше́нству, любѣвь къ ино́честву, забота́ о благососто́янии цѣрквей и благоле́пии хра́мов, ре́вность о благочѣ́нии богослуже́ния цѣрковнаго́ вѣну пребыва́ютъ досто́йнымъ нашимъ не ослабева́я, не умаля́ясь, но укрепля́ясь, возраста́я и преуспева́я.

Святителю́ Кири́лле! Да бу́дут моли́твами твоими́ въ оте́чествѣ твоѣмъ па́стыри словѣснаго́ ста́да Хри́стова́ ду́хом горя́щихъ, Го́сподеви раба́тующи, а не себѣ́ угожда́ющихъ, па́ству, а не себѣ́ пасу́щихъ. Да бу́дут они́ до́брыми па́стырями, ду́шу свою́ полага́ющими за о́вцы па́ствы своея́, а не наѣмни́ками, небрегу́щими о о́вцахъ и при ви́де во́лка бе́гающими и оставля́ющими о́вцы на расхище́ние. Ты, блаже́нне Кири́лле, и сло́вомъ и писа́ниемъ учи́лъ еси́ дрѣвле́ князе́й и всехъ люде́й Росси́йскія земли́ ходити́ досто́йно зва́ния своего́. При́зри и на насъ, пото́мковъ твои́хъ, ча́дъ и ученико́въ, и умоли́́ Бога, да низпошлѣ́тъ стране́ нашей́ твѣрдо́сть и благоустро́ение, зако́намъ нашимъ свѣ́тость и си́лу, правите́лемъ и судия́мъ му́дрость, усѣрдие, безкоры́стие и нелице́прятіе. Испроси́́ у Всеще́драго́ Бога́ всемъ намъ и коему́ждо́ поро́знь благопо́требная, яже́ къ живото́у и

благочестию: немощным в вере и добрых делех укрепление, падшим восстание, подвижающимся добре преуспяние. Да не оскудевают в родителях согласие, любовь, взаимное уважение, друг о друге благопопечение, в рождении чад Божие благословение. Чада, воспитанные в страхе Господнем, да уразумеют премудрость Божию и да младенствуют злобою, а не умом. Детоводители и наставники да избыточествуют в ведении и во всяком чувстве, паче же да избилуют благочестием и о благе истиннем детей попечением.

Пречудный святителю Кирилле! Сам зриши страшно, в нейже родился еси и в нейже много потрудился еси; зриши народ, егоже древле просветил еси. Сам веши, яже требуем, веши наша немощи и согрешения. Буди же нам помощник, покровитель, заступник и управитель жизни нашей. Да под твоим покровом и заступлением достойно будем славить Отца, и Сына, и Святаго Духа, ныне, и присно, и во веки веков. Аминь.

Святитель Кирилл, епископ Туровский, родился в 30-х годах XII века в городе Турове на реке Припяти у богатых родителей. С малых лет святой Кирилл с усердием читал Священные книги и достиг глубокого понимания их. Он учился не только у русских, но и у греков. В зрелом возрасте святой Кирилл отказался от наследства и принял постриг в Туровском Борисоглебском монастыре. Он много подвизался в посте и молитве и учил иноков полному послушанию игумену: иннок, который не находится в послушании у игумена, не исполняет своего обета и потому не может спастись. Сохранилось три сочинения святого Кирилла об иноческой жизни, одно из которых — «Сказание о черноризском чине от Ветхого Закона и от Нового» — может быть отнесено ко времени пребывания его в монастыре. Через некоторое время святой Кирилл удалился в затвор на столп, где еще более усилил подвиги и «многа Божественна Писания изложи». Многие обращались к нему за советом в духовной жизни. Святость жизни и высокая просвещенность святого Кирилла обратили на него всеобщее внимание, и его избрали на

Туровскую кафедру. В 1169 году святитель Кирилл принимал участие в соборе, осудившем епископа Феодора, который занял Владимиро-Суздальскую кафедру и пытался отделиться от Киевской митрополии. Святитель Кирилл обличил ересь Феодора и составил много посланий к святому князю Андрею Боголюбскому (память 4 июля), в которых поучал его и наставлял по поводу церковных нестроений в Ростовской земле. По любви к уединению святитель Кирилл оставил кафедру (до 1182 года, под которым упоминается уже епископ Туровский Лаврентий) и полностью посвятил себя писанию духовных сочинений. Он составил, вероятно, слова на весь годичный круг Господских праздников, но не все они сохранились. Поучения святителя Кирилла помещались в сборниках наряду с древними святоотеческими творениями. Наиболее полное собрание сочинений святителя Кирилла Туровского, изданное Туровским епископом Евгением в 1880 году, включает: 1) Слово в Неделю Цветносную, от сказания Евангельского; 2) Слово на Святую Пасху в светосносный день Воскресения Христова, от

пророческих сказаний; 3) Слово в новую Неделю по Пасце, о поновлении Воскресения, и о артосе, и о Фомине испытании ребр Господних; 4) Слово о снятии тела Христова и о мироносицах, от сказания Евангельского, и похвала Иосифа, в Неделю 3-ю по Пасце; 5) Слово о расслабленном от Бытия и от сказания Евангельского, в Неделю 4-ю по Пасце; 6) Слово о слепце и о зависти жидов, от сказания Евангельского, в Неделю 5-ю по Пасце; 7) Слово на Вознесение Господне, в четверток 6-й Неделе по Пасце; от пророческих указаний и о воскрешении всеродна Адама из ада; 8) Слово на святых отец 318, от Святых книг, указание о Христе, Сыне Божием, и похвала отцем святого Никейского Собора, в Неделю прежде Пентикостии; 9) Притча о слепом и хромом; 10) Притча о чело-вечестей душе, и о телеси, и преступлении Божиих заповедей, и о воскресе-нии тела человека, и о будущем суде, и о муке; 11) Сказание о черно-ризьчьем чину, от Ветхого Завета и Нового, оног образ носяща, а сего дела свершающа; 12) Повесть к Ва-силию игумену: притча о белоризце человеце, и о монашестве, и о души, и о покаянии; 13) Послание некоег старца к богоблаженному Василию архимандриту о схиме; 14) четыре молитвы на день воскресный (после утрени, часов и 2 после вечерни); 15) четыре молитвы на понедельник; 16) четыре молитвы на вторник; 17) пять молитв на среду (после утрени, часов и 3 после вечерни); 18) три молитвы на четверг (после утрени, часов, вечерни); 19) четыре

молитвы на пятницу (после утрени, часов и 2 после вечерни); 20) шесть молитв на субботу (2 после утрени, 1 после часов и 3 после вечерни); 21) канон молебный; 22) исповеда-ние и поминовение. Впоследствии было открыто «Слово на Просвеще-ние Господа нашего Иисуса Христа». Известно, что святитель составил так-же «Канон великий о покаянии ко Господу по главам азбуки». Как богос-лов святитель Кирилл Туровский свою задачу усматривал в том, чтобы вскрыть истинный, сокровенный за-мысл того или иного текста Священ-ного Писания. Скончался святитель Кирилл 28 апреля около 1183 года. От современников он получил именован-ие русского Златоуста. Сам свети-тель о себе смиренно говорил: «Я не жнец, а собираю колосья; я не худож-ник в книжных делах»,— всегда, од-нако, сознавая высоту святительского служения, на которое поставил его Господь: «Если бы говорил я от себя, вы делали бы хорошо, не приходя в храм. Но я возвещаю вам Слово Господа, читаю вам грамоту Христо-ву... Я раздаю слова Божии, лучшие золота и дорогих камней, более сладкие, чем мед и сот, и вы лиша-етесь их, не приходя в церковь... но вас, приходящих, хвалю и благослов-ляю».

Литература

Еремин И. П. Литературное на-следие Кирилла Туровского.— Труды Отдела древне-русской литературы. М.—Л., 1955, т. 11; 1956; т. 12; 1957, т. 13; 1958, т. 15.

